



> Adres di retorno

Na voorzitter di Tweede Kamer di Staten-Generaal  
Postbus 20018  
2500 EA Den Haag

**DG Openbaar Bestuur &  
Democr Rechtsstaat**

Turfmarkt 147  
2511 DP Den Haag

**Nos referencia**  
2024-0000335351

Fecha 14 di juni 2024  
Referente Carta trayecto di progreso disculpa pasado di sclavitud

### **Intruducccion**

Den su discurso di dia 19 di december 2022, minister-president Mark Rutte a papia tocante tumamento di paso conhuntamente: "Den consulta, scuchando y cu unico intencion: haci husticia na pasado, sanacion den presente. Un coma, niun punto." Un parti importante di e coma ey ta formacion di un Comite di Conmemoracion independiente cu ta wak riba contenido y organisacion di un conmemoracion grandioso y digno di pasado di sclavitud. Y tambe composicion di areglo pa iniciativanan social. Cu e carta aki Kamer ta informa tocante e presidente y tarea di Comite di Conmemoracion di Pasado di Sclavitud den formacion. Y e publicacion di e reglamento di subsidio pa iniciativa comunitario na Hulanda Europeo y e parti Caribense di Reino riba 1 di juli venidero. Kamer a wordo informa previamente pa medio di un carta di dia 22 di april<sup>1</sup> tocante e trayecto di progreso despues di e disculpa pa pasado di sclavitud.

### **Comite di Conmemoracion di Pasado di Sclavitud den formacion**

Pa formacion di e Comite aki a traha di cerca cu descendiente y otro persona envolvi. Asina a puntra durante asina yama encuentro Catshuis descendiente y otro persona envolvi for di henter Reino y Suriname, inclusivo NiNsee, y Suriname con un comite di conmemoracion por ta organisa y ki perfil e miembronan y e presidente lo mester tin. Tambe, nos a tene combersacion individual cu descendiente y experto for di henter Reino y Suriname. Ademá nos a organisa sesion di dialogo na Hulanda Europeo den colaboracion cu e departamento di investigacion TrueTalk. Un conclusion importante ta cu no tin un manera unico pa conmemora. Esaki ta reflecta den diferente necesidad. Di un banda tin e necesidad pa conmemora for di historia, comunidad y cultura di cada hende. Na otro banda tin e necesidad pa un conmemoracion caminda tur hende por reconoce su mes den dje. E participante di e dialogo tambe a indica cu conmemoracion comun por aumenta conscientisacion tocante e pasado aki den henter comunidad.

A base di e input aki, algun punto di salida a ser formula y evalua di nobo cu descendiente y otro persona envolvi. For di e evaluacion aki a resulta cu tin un apoyo grandi pa e siguiente puntonan di salida:

- Den e Comite di Conmemoracion mester tin representacion igual di diferente comunidad den Reino.
- Pa Suriname, si Suriname kier esaki, tambe tin luga den e Comite.

---

<sup>1</sup>[Carta na Parlamento di 22 april 2024 tocante e trayecto di progreso di disculpa pa pasado di sclavitud.](#)

- Den Reino, tocante pasado di sclavitud, tin tambe otro fecha cu ta importante, manera conmemoracion di rebeldia bou di liderasgo di Tula riba 17 di augustus 1795 na Corsou y e Conmemoracion di e antepasadonan Maron riba 10 di october. A pesar cu nos ta duna gran balor na e otro fechanan aki, e fecha di 1 di juli mester ta e fecha pa Conmemoracion Nacional, pasobra esaki ta realmente e momento cu ta marca abolicion di sclavitud Hulandes mundialmente.
- E Comité di Conmemoracion tin atencion tambe pa e otro fechanan aki, cu ta relaciona cu nos pasado di sclavitud y ta stimula tur cultura di conmemoracion den tur Reino.
- Comité di Conmemoracion tambe tin como tarea aumenta conscientisacion riba pasado di sclavitud y su influencia den presente, y pa stimula investigacion tocante e pasado aki.
- Miembro di e Comité mester tin conocimiento di pasado di sclavitud y cultura di conmemoracion y mester tin sosten den e diferente comunidadnan.
- Pa e presidente, ta di gran importancia pa tin experiencia den gobernacion y capacidad pa uni e diferente comunidad y tambe cu e sociedad den su totalidad.

### *Tarea*

Basa riba e punto di salida aki, nos ta lanta un fundacion cu e nomber Comité di Conmemoracion di Pasado di Sclavitud. Den e Consejo di Minister di 14 di juni ultimo a acepta nombracion di Astrid Elburg como presidente di e comité aki cu ta den proceso di formacion. E Comité lo ricibi e siguiente tarea:

- Responsabilidad pa organisa e Conmemoracion Nacional riba 1 di juli den henter Reino; esaki ta trata na prome instancia conmemoracion di pasado trans-Atlantico di sclavitud cu enfoca riba e nificacion di conmemoracion, inclusion di tur comunidad (en todo caso Afro-Surinameo, Afro-Caribense, Maron y Indigena) y e conexion den Reino y cu Suriname, te asina leu cu Suriname ta desea esaki.
- Responsabilidad pa aumenta consenshi comunitario tocante pasado di sclavitud y su impacto den e presente den Reino.
- Estimulacion pa haci investigacion tocante pasado di sclavitud.
- Facilitacion y sosten pa desaroyo continuo di otro conmemoracion y celebracion cu ta di importancia pa conmemora pasado di sclavitud den Reino.
- Discusion cu Suriname tocante participacion den e Comité di Conmemoracion di Pasado di Sclavitud.
- Estudio hunto cu comunidad envolvi pa wak si e scope di e conmemoracion mester wordo amplia den futuro, sea geografico of tematico.
- Hunto cu partnernan social lo explora e posibilidad pa haci 1 di juli un dia liber y Fiesta Nacional den Reino.

A tene consulta cu NiNsee tocante formacion di Comité di Conmemoracion. NiNsee a dedica hopi aña pa e reconocimiento di pasado di sclavitud y pa haci di e conmemoracion di e pasado di sclavitud na 1 di juli na Oosterpark loke e ta awor. Experticio, experiencia y e netwerk di NiNsee ta indispensable pa e Comité di

Commemoracion cu ta den proceso di formacion. P'esey, NiNsee lo organisa e conmemoracion nacional riba 1 di juli den Hulanda Europeo bou di guia y responsabilidad di e Comite di Conmemoracion, en todo caso na 2025, 2026 y 2027. Comite di Conmemoracion lo fiha con e colaboracion lo muestra y e añanan despues den consulta cu NiNsee y e comunidanan involvi. Banda di esey NiNsee lo haya e oportunidad pa recomenda un candidato pa un di e puestonan den e Comite di Conmemoracion di Pasado di Sclavitud cu ta den proceso di formacion. Pa finalisa ta explora cu directiva di NiNsee con NiNsee por cumpli cu e funcion existente di conocimiento den conscientisacion tocante pasado di sclavitud trans-Atlantico. E funcion di conocimiento aki mester ta complementario na e tarea di Comite di Conmemoracion di Pasado di Sclavitud pa stimula estudio, y tambe e funcion di conocimiento cu ainda mester desaroya di Museo Nacional di Sclavitud den formacion.

**Fecha**  
14 di juni 2024

**Nos referencia**  
2024-0000335351

#### *Constelacion y nombracion*

E Comite ta consisti di maximalmente dies persona, cu representacion geografico ta e punto di salida. E miembronan ta bin for di diferente parti di Reino y tin un puesto disponibel pa Suriname, si Suriname ta desea esaki. E comite, incluso e presidente, ta consisti di:

- Dos miembro for di Hulanda Europeo: preferiblemente un for di diaspora Caribeño y un for di diaspora Surinameo.
- Pa motibo di nan contribucion durante hopi aña pa reconocimiento di pasado di sclavitud y experticio y red di contacto, lo inclui cu un di e miembronan aki mag propone pa NiNsee den e statuto.
- Un miembro for di Aruba;
- Un miembro for di Boneiro;
- Un miembro for di Corsou;
- Un miembro for di Saba;
- Un miembro for di Sint Eustatius;
- Un miembro for di Sint Maarten;
- Un miembro for di Suriname, si Suriname desea esaki;
- Un persona cu sin link directo cu pasado di sclavitud cu ta representa e comunidad amplio den Reino y cu ta dispuesto pa traha pa e metanan di e Comite.

Aparte di representacion geografico, e miembronan di e Comite tin un conocimiento conhunto di pasado di sclavitud, cultura di conmemoracion, historia colonial, educacion, estudio, comunicacion, finansa y adkision di fondo, cultura y ta representa tur idioma reconoci den Reino y Suriname den e Comite. Pa e presidente ta importante tin experiencia pa dirigi y por actua cu conexion entre diferente grupo. Tur miembro ta sirbi den e Comite sin impedimento ni consulta.

Na formacion di e Comite, e miembronan lo wordo nombra pa kabinet, unda cu e miembronan di e parti Caribeño di Reino lo wordo proponi pa gobierno local di Aruba, Boneiro, Corsou, Saba, Sint Eustatius y Sint Maarten. Si Suriname ta desea di participa, e miembro lo keda nombra pa gobierno di Suriname. Miembro di directiva ta wordo nombra pa un periodo di tres aña. E miembronan por wordo renombra un biaha maximalmente. Den statuto lo inclui un Comision di Consejo di Nombracion, cu lo ta responsabel pa propone candidato cu ta adecuado pa e Comite den futuro. E Comite ta nombra miembro nobo riba recomendacion di e comision di conseho di nombracion aki. E presidente ta nombra door di minister di Asuntonan Interno segun proposicion di e Comite.

E Comité lo wordo sosteni pa un organisacion di trabou cu tin empleado tanto na Hulanda Europeo como e parti Caribense di Reino, pa asina fortifica colaboracion y promove intercambio di diferente cultura di rememoracion.

**Fecha**  
14 di juni 2024

#### *Proceso*

A base di loke a menciona aki riba, conforme marco di fundacion, lo stel op e acto di fundacion di e Comité di Conmemoracion di Sclavitud. Meta ta pa Comité di Conmemoracion di Sclavitud den formacion lo ta operacional mas tarda den fin di e aña aki. Pa e Comité di Conmemoracion di Pasado di Sclavitud den formacion y organisacion di trabou relaciona tin € 8 miyon pa aña disponibel.

**Nos referencia**  
2024-0000335351

#### **Areglo di subsidio pa iniciativanan social**

Riba 1 di juli 2024, lo publica e areglo di subsidio pa iniciativanan social pa Hulanda Europeo y e parti Caribense di Reino den Staatscourant di Gobierno cu mencion cu e entrada na vigor lo tuma lugar un momento despues. E periodo entre publicacion di areglo y e periodo cu por manda peticion, lo wordo uza pa sesion di informacion pa aplicante. Aparte di esaki, den e periodo aki informacion tocante comision di conseho, periodo di peticion y entrada na vigor lo wordo especifica mas, a base di combersacion cu e posibel ehecutur di e areglonan y descendiente y otro involvi. Pa realizacion di ambos areglo, ministerio di BZK ta den dialogo cu un posibel ehecutur.

Un relato di e resultado di e consulta na internet ta publica pa cada areglo riba e website di e consulta y tambe ta inclui den e nota di e reglamento<sup>2</sup>.

Pa Surinam tin un cuadro di maneho di subsidio pa iniciativanan social den preparacion. E dialogo cu Suriname tocante e cuadro di maneho di subsidio den formacion aki tin su propio tempo. E intencion di Suriname pa lansa un plataforma caminda descendiente y otro persona involvi por tuma parti, lo posibilita un dialogo mas enfoca entre Suriname y Hulanda. E presidente di Suriname lo instala e plataforma aki.

#### **Como final**

Den e ultimo luna di e Aña di Conmemoracion di Pasado di Sclavitud nos ta tuma paso importante hunto den e proceso di conscientisacion di pasado di sclavitud. Hunto cu descendencia y otro persona involvi nos a pone piedra fundamental importante pa un futuro conhunto. Nos ta masha agradecido na tur esnan cu no solamente durante e ultimo aña, pero tambe durante e ultimo decada a traha pa reconocimiento y conscientisacion di e pasado aki pa nan esfuerso incansabel. Nos ta spera cu nos a contribui pa yena e pagina habri cu ta dilanti di nos cu dialogo, reconocimiento y sanacion.

Secretario di Estado di Digitalisacion y Relacion den Reino,

---

<sup>2</sup> [Overheid.nl | Consultatie Subsidieregeling maatschappelijke initiatieven slavernijverleden Caribisch deel van het Coninkrijk \(internetconsultatie.nl\)](#)  
[Overheid.nl | Consultatie Subsidie maatschappelijke initiatieven slavernijverleden Europees Nederland \(internetconsultatie.nl\)](#)

**DG Openbaar Bestuur &  
Democr Rechtsstaat**

Turfmarkt 147  
2511 DP Den Haag

**Fecha**  
14 di juni 2024

**Nos referencia**  
2024-0000335351

Alexandra C. van Huffelen

Minister di Asuntonan Interno y Relacion den Reino,

Hugo de Jonge

Minister di Asuntonan Externo,

Hanke Bruins Slot

Minister di Enseñansa, Cultura y Ciencia,

Robbert Dijkgraaf

Minister di Asuntonan Social y Labor,

C.E.G. van Gennip

Minister pa Proteccion Legal,

F.M. Weerwind

Secretario di estado di Salud Publico, Bienestar y Deporte,

Maarten van Ooijen

**DG Openbaar Bestuur &  
Democr Rechtsstaat**

Turfmarkt 147  
2511 DP Den Haag

**Fecha**  
14 di juni 2024

**Nos referencia**  
2024-0000335351